

Na osnovu provedenog postupka u skladu sa članom 90. Zakona o javnim nabavkama Bosne i Hercegovine, ("Službeni glasnik BiH", broj 39/14) i Pravilnika o postupku direktnog sporazuma („Sl. glasnik BiH“, broj 90/14) i na osnovu Odluke o prihvatanju cijene ponuđača putem direktnog sporazuma, broj: 05.12.101-2452-Odluka o prihvatanju cijene ponuđača/20, zaključuju sljedeći:

## **UGOVOR O SUKCESIVNOJ NABAVCI USLUGE SERVISIRANJA, OPRAVKE I ODRŽAVANJA LABORATORIJSKE OPREME**

### **I UGOVORNE STRANE**

**1. J.U. ZAVOD ZA JAVNO ZDRAVSTVO KANTONA SARAJEVO**, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa direktorica Prof.dr.med.sci. Aida Pilav (u daljem tekstu: Ugovorni organ)

**i**

**2. „ANALITIKA” d.o.o. SARAJEVO** ulica Ferde Hauptmana br.7, identifikacioni broj: 4200561260005, koju zastupa direktorica: Gorana Maglajlić (u daljem tekstu: Izvršilac usluga), zaključili su:

U daljnjem tekstu Ugovora, kada se Ugovorni organ i Izvršilac usluga navode zajednički, tj. zbirno, tada su označeni kao „Ugovorne strane“.

### **II PREDMET UGOVORA**

#### **Član 1.**

Ovim Ugovorom regulišu se način i uslovi za: sukcesivnu nabavku usluga servisiranja, opravke i održavanja laboratorijske opreme.

Ponuda Izvršioca usluge DS-004-I, čini sastavni dio ovog Ugovora.

### **III OBAVEZE IZVRŠIOCA USLUGA**

#### **Član 2.**

Izvršilac se obavezuje:

- Da će izvršavati usluge sukcesivno Ugovornom organu na osnovu dobivene narudžbenice;
- Da će se odazvati po pozivu na predmetnu uslugu u roku od 24 h. (Poziv u bilo kojoj formi će sadržavati naznaku mjesta (službe), vrstu uređaja, opis kvara i oznaku hitnosti za potrebnu servisnu intervenciju);
- Da će sve kvarove ukloniti u roku od 48h, ukoliko nije potreban rezervni dio;
- Da će nakon identifikacije kvara za koji je potreban rezervni dio, o istom obavijestiti Ugovorni organ;
- Pružiti brzu, stručnu i profesionalnu uslugu;
- Imenovati lica zadužena za realizaciju Ugovora;

- Osigurati osobama ovlaštenim od strane Ugovornog organa mogućnost komuniciranja s tehničkom službom Izvršioca usluga putem telefona, telefaksa i elektronske pošte.

#### **IV OBAVEZE UGOVORNOG ORGANA**

##### **Član 3.**

Ugovorni organ se obavezuje:

- Osigurati neometan pristup opremi iz člana 1. ovog Ugovora;
- Imenovati lice ili lica zadužena za realizaciju Ugovora;
- Osigurati da sa mjernom opremom rukuju isključivo obučena i ovlaštena lica.

#### **V CIJENA I NAČIN PLAĆANJA**

##### **Član 4.**

- 1) U obim usluga iz člana 1. ovog Ugovora podrazumijevaju se usluge servisiranja, popravke i održavanja
- 2) laboratorijske opreme po prihvaćenoj jediničnoj cijeni (bez PDV-a) 48,00 KM;
- 3) Ukupna vrijednost Ugovora za sukcesivnu nabavku usluge servisiranja, opravke i održavanja laboratorijske opreme iznosi do 6.000,00 KM bez PDV-a;
- 4) Plaćanje će se vršiti na transakcijski računa naveden u fakturi;
- 5) Izvršilac se obavezuje da usluge fakturiše istog dana kada je izvršio uslugu, na osnovu otpremnih dokumenata (radni nalog-servisni izvještaj na kojem će obavezno biti navedene izvršene usluge, naziv zamjenjenog rezervnog dijela sa navodom zemljom porijekla, nazivom proizvođača, šifrom koja se eventualno nalazi na samom rezervnom dijelu (kataloškim brojem)) potvrđenih od strane Ugovornog organa da je usluga izvršena;
- 6) Izvršilac se obavezuje na nepromjenljivost ponuđenih cijena tokom cijelog ugovornog perioda, te naknadne izmjene neće biti moguće;
- 7) Ugovorni organ će plaćati fakture za izvršene usluge u roku do 30 (trideset) dana od dana dostavljanja fakture;
- 8) Ugovorni organ neće plaćati fakture ukoliko se iskaže razlika u količinama na fakturi, otpremnici i narudžbenici;

## VI UGOVORNA KAZNA I RASKID UGOVORA

### Član 5.

Ukoliko Izvršilac ne izvrši svoje obaveze u ugovorenom roku, dužan je da, Ugovornom organu za svaki dan zakašnjenja plati ugovornu kaznu u iznosu od 0,1% od ukupne vrijednosti Ugovora bez PDV-a.

Ukupna vrijednost ugovorne kazne koja se plaća ne može iznositi više od 10% od ukupne vrijednosti Ugovora.

## VII PRELAZNE I ZAVRŠNE ODREDBE

### Član 6.

Ovaj Ugovor stupa na snagu danom njegovog potpisivanja od strane ovlaštenih predstavnika Ugovornog organa i Izvršioca usluga, i isti će se primjenjivati najduže godinu dana od obostranog potpisivanja.

### Član 7.

Ugovorne strane su suglasne da se za sve što nije regulirano ovim Ugovorom primjenjuje Zakon o obligacionim odnosima.

### Član 8.

Eventualne sporove ugovorne strane će rješavati prvenstveno sporazumno u duhu dobrih poslovnih odnosa.

U slučaju da se ne postigne sporazumno rješenje eventunog spora za rješenje spora nadležan je sud u Sarajevu.

### Član 9.

Ugovorne strane mogu otkazati ovaj Ugovor u pisanom obliku. Otkazni rok iznosi 15 (petnaest) dana, ukoliko ugovorne strane sporazumno ne utvrde drugačije.

### Član 10.

U slučaju otkaza, odnosno raskida svaka ugovorna strana dužna je ispuniti sve svoje dospjele obaveze po predmetnom Ugovoru nastale do dana otkazivanja.

### Član 11.

Ovaj Ugovor je sačinjen u 4 (četiri) primjerka, od kojih Ugovornom organu pripadaju 2 (dva) primjerka, a Izvršiocu usluga 2 (dva) primjerka.



(Gorana Maglajlić)

Broj: 25/18105 /20  
Sarajevo, 18.05.2020. godine



(Prof.dr.med.sci. Aida Pilav)  
Broj: 05.12.101-2452-Ugovor/20  
Sarajevo, 18.05.2020. godine.